

O Le Togiola a le Faaola

ANOMEA O LE SEMINARE O LE FEAGAIGA FOU

O fuitau o tusitusiga paia ma le faamatalaga nei o loo aoao mai ai e uiga i le Togiola a Iesu Keriso. Faaoga se 10 i le 15 minute e faitau totoa ai nei punaoa (po o ni isi punaoa e uiga i le Togiola a le Faaola o e fiafia e aoao i ai pe sa e mauaina a o lei faia lenei lesona). A o e faitau, mafaufau pe faapefea ona fesoasoani nei punaoa taitasi e te malamalama atili ai i mea na faia e le Tama Faalelagi ma Iesu Keriso mo oe ma pe aisea.

- Luka 22:39–44
- Luka 23:33–38, 44–46
- Ioane 3:14–17
- Alema 7:11–13
- 3 Nifae 27:14
- Mataupu Faavae ma Feagaiga 18:10–11
- Mataupu Faavae ma Feagaiga 19:16–19

Sa aoao mai Elder Tad R. Callister o le Fitugafulu:



O le a la le Togiola a Iesu Keriso? I se tasi uiga, o se faasologa o mea paia na tutupu lea na amata mai le Faatoaga o Ketesemane, faaauau atu i le satauro, ma faaii i le Toetu o le Faaola mai le tuugamau. Sa uunaia e se alofa le mafaamatalaina mo i tatou taitoatasi. Sa manaomia ai se tagata e leai ma sana agasala; o le sa iai le mana lē mafuatia i luga o elemene—e oo lava i le oti; o le sa umia se gafatia lē faatuaioia e puapuagatia ai i taunuuga o a tatou agasala uma ma vaivaiga; ma o lē, o le mea moni, na afio i lalo ifo o nei mea uma lava [tagai i le Mataupu Faavae ma Feagaiga 88:6]. O le misiona lenei a Iesu Keriso—o Lana Togiola lenei.

O le a la lona faamoemoega? O le faia lea ia mafai ai e i tatou ona toe foi atu i le afioaga o le Atua, ia avea atili e faapei o la, ma maua se atoaga o le olioli.

Na faia lenei mea e ala i le faatoilaloina o ni faauilavea se fa:

1. Oti faaletino
2. Oti faaleagaga ona o Atamu ma ona o a tatou agasala
3. O o tatou mafatiaga ma faaletonu
4. O o tatou vaivaiga ma lē atoatoa

(Tad R. Callister, “O Le Togiola a Iesu Keriso,” *Ensign* po o le *Liahona*, Me 2019, 85)